

TSEL A EA MOLIMO E

HLAHISELITSOENG LETSATSI LENA



...motsotso feela ha re inamisa lihloho tsa rona.

Ntata rona ea Leholimong, re U leboha ka Jesu Kreste, litsepiso tsa Hae tse kholo tseo A re neileng tsona. Re U leboha ka lintho tsena tsohle. Re tlas'a litebello tse kholo mona motseng ona hara Bakreste bana ba khabane. Re lebeletse ho 'Mona a tsamaea har'a rōna a bontša boteng ba Hae, a fa batho tumelo, a ba susumetsa ho lumela. Ke morero oa rona oa ho ba mona, Ntate. Re a tseba hore re ka U tšepa. Re ke ke ra soetseha. Hoba re e kopa ka Lebitso la Hae. Amen.

Le ka lula fatše.

Ke ne ke thabile haholo hoseng hona ho ja borakefese le sehlopha sena se setle sa bareri mona motseng. 'Me ka hona re... Ke nähana e—e baena ba ile ba e hatisa ha motho a ka e batla. Nakoe kaalo ea botsoalle. 'Me joale, bosiu bona ke bosiu ba rona ba bobeli, re ntse re tsoela pele tseleng. Ka hona, joale, re tšepa Morena a tla le hlohonolofatsa ka ho fetisisa ka ho khaphatseha.

Ke lumela hore ke shebile motsoalle oa ka ea lokileng, Mof. Upshaw, ea lutseng mona, Khaitseli Upshaw. Morena a u hlohonolofatse. Ke hopola Moena Willie Upshaw. Ke fumane lengolo le tsoang ho eena tsatsi le leng le setšoantšo sa Moena Willie, Congressman. Kahoo, o—o ne a holofetse lilemo tse ka bang mashome a tšeletseng a metso e tšeletseng.

Ke ne ke le kopanong bosiusing bo bong, ka bona pono ea hae, a lutse, a feta har'a letšoеле, ka sutu ea hae, a inama. Esale a lutse setulong sa likooa le liikokotlelo, joalokaha le mo tsebile bohole, 'me Morena Jesu a mo folisa bosiusing boo. 'Me a boloka tumelo ho fihlela a eshoa.

Re utloa re hlomphuoa, bosiusing bona, ha mohlolohali oa hae a lutse mona. O ne a le lilemo li kae mohla a tlohileng ho bona Morena? O ne a le lilemo li kae? [Khaitseli Upshaw o a araba-Mong.] O phetse ho fihlela lilemo tse mashome a robeli a metso e tšeletseng. [Khaitseli Upshaw o paka ka ho hlokahala ha hae.] O ile Leholimong ho ba le... Re leboha banna ba baholo, bahlabani ba baholo ba tumelo.

Joale, bosiusing bona, ke, ha re batle ho le tšoarella halelele. Re le tšoareletse metsotso e leshome ho feta maobane mantsiboea, metsotso e mashome a mabeli pele ho leshome. Hangata re tsoa ka mashome a mararo ka morao ho robong. Ke tla leka ho lokisa taba eo bosiusing bona. E sa le ke... Ke fetohile ho tloha

ho melaetsa ea ka ea boprefeta eo esale ke e rera libakeng tse fapaneng tsa na, ho khutlela litšebeletsong tsa boevangeli hape. 'Me melaetseng eo ea boporfeta, re ne re tla e tsoellisa joalo le joalo. 'Me joale ho e khaola, ho batla ho le thata, 'me e fetola e—e bosebeletsi ka bottlalo.

'Me lebaka leo ke etsang sena: hobane ka tsatsi le leng, ha ke theoha ho tsoa Canada, ka holimo mona Montana, hoseng ho hong haholo, Morena Jesu... Ke a tseba e utloahala e makatsa, empa ke ne ke qhoba koloi, 'me ntho e 'ngoe ea hapa maikutlo a ka. Ka utloa Puo, e hlakileng joalokaha le utloa ea ka, e re, "Lebitso la hau le ngotsoe thabeng eo." 'Me ka sheba, 'me ha re emisa, 'na le Billy, Morena Jesu a re, "Khutlela morao joale, 'me u qale boevangeling joalokaha u entse."

Ke ka baka leo ke leng mona bosius bona, hoba ke khutlela morao hape ho rapella bakuli. Pale ea eona e telele, 'me ke a kholoa lona batho ba teipi mona, ba mamelang liteipi tsa rona, ba tseba ka pale eo. Ke mona ho rapella bakuli hape. Lineo tse ngata tse kholo li teng ho Molimo. Molimo o ka sebelisa efe ea tsona eo O e lakatsang ha re ka Mo lumella feela ho etsa joalo. Ke Morena Molimo.

'Me joale, ke leka ho se... ho phema ho bea batho matsoho haeba nka e thibela, hobane, mono, e ka re (ho itoketse), empa e ka re motho, o ee a fole, ba re, "Be, *Sekete-kete* o ile a mpeha matsoho." Le a bona? Ke—ke rata ho u bona u bea matsoho holim'a Hae feela, holim'a Kreste.

Sepheo sa ka, bohle re tseba ka Mangolo, hore pholiso e Halalelang e se e boloketsoe molumeli e mong le e mong. Ke karolo—ke karolo ea mahlomola a Jesu: "Athe O hlabetsoe makhopo a rona, re folisitsoe ka maqeba a Hae. Joalokaha Moshe a ne a fanyeho noha ea borase lefeeleng, Mora motho e ka khona a fanyehoe joalo." Ka morero o tšoanang.

'Me eo e ne e le papiso, Kreste ke papiso-maleba. 'Me joale efela—efela ha pheko ea khale e hlahisitse pholiso, e ncha e ne e loketse joalo hakakang, e tšoereng lintho tse fetisang ka molemo, e hlahisa pholiso ea Khalalelo.

Joale, Jesu o fanyehuo ka oona morero oa noha ea borase (O ne a etsoe sebe): hobane, noha e ne e etsoe ka borase, 'me borase ke "sesupo sa kahlolo ea Molimo e halalelang"; 'me noha, ke ho supa "thohako ea noha" ho tlaha tšimong ea Edene, moo sebe le maloetse li keneng teng.

'Me Jesu a ke ke... Ha ho motho ea ka rerang Jesu Kreste e le pheko a sa rere pholiso ea Khalalelo. Ha ho motho ea ka bolelang Evangeli a sa rere pholiso ea Khalalelo. Hobane, le a bona, ha u... o ne a tla... ha se tlameho ho fumana lintho tse itseng. Joalokaha haeba u tšoeroe ke phoofolo, ha u a tlameha ho e khaola leoto feela, kapa ho e—e poma sephaka kapa seo e

u tšoereng ka sona. E bolaee feela ho qala hloohong u tla be u e qetile.

'Me le Jesu o entse joalo mohla A—A neng a shoela sebe: O bolaile sohle seo sebe se kileng sa se etsa, O re lopolotse ka botlalo. Joale re hula e—e moputso ho tsoa nthohaling ea rona... chelete ea tebeletso ea topollo ea rona e felletseng ho tleng ha Hae hape.

Ka hona, le a bona, maloetse ka kotloloho a—a bakoa ke sebe. Motho e mong o entse sebe. Ho kula ho ne ho le sieo pele sebe se fihla. 'Me eitseha sebe se kena, ho kula ha se latela. Ho kula ke tholoana ea sebe. 'Me hape, mohla A neng a bolaea sebe, hoo ho tlositse litholoana tsohle le sona. Le a bona, e ne e loketse joalo.

Joale, bosius bona re tla bala karoloana ea Lengolo.

Ruri ke thabetse ho fumana, morao ka morao ho 'na mona bosius bona, sehlopha sa ka sa baena ba neng ba etetse kopano hoseng hona, le ho fumana, ho bona Moena Shakarian morao mono, hape, le metsoalle ea ka e mengata, e mengata ho feta ea bona. Ke thabo haholo ho ba le lona mona baena bosius bona. Le nthapelle joale, ha le rata.

Joale, ha re phetleng Lengolong, bakeng sa temananyana feela, ha Morena a ratile.

² 'Me le hopole, hosane bosiu, ho rapelloa bakuli hape. 'Me joale ha ke bua... Mamelang, e mong le e mong a leke ho etsa sena, u se ke ua emela ntho efe feela eikhethang ho etsahala. Seo u lokelang ho se etsa, ke ho lumela Molimo hona joale. Lumela ho Eena hona joale! Le a bona?

³ Joale ho hlahile bosebeletsi ba mefuta eohle. Molimo, matsatsing ana a qetelo, ke a lumela, o re file sohle seo O se bolokileng Bukeng ea Oona. Ntho e 'ngoe le e 'ngoe eo O e tsepisitseng, re e bone, 'me le joale batho ba bonahala ba sa e tšoare. Ba khethetsoeng ho e tšoara, ba tla e tšoara; bao feela. E foufatsa e mong; e tutubolla mahlo a e mong.

⁴ Hopolang, re lumela Jesu Kreste esale eena maobane, kajeno, le kamehla. Ha A shoa, empa o phela kamehla. 'Me O teng mona bosius bona. Re ka pel'a Sefahleho sa Hae, bosius bona, 'me O teng mona ho tiisa le ho phethahatsa tsepiso efe eo A e entseng letsatsing lena. Me esale Eena maobane, kajeno, le kamehla. Ka hona, sohle seo A neng a le sona, O sona, bosius bona. Ka hona ha re lumeleng ho Oona joale, re sa bala Lentsoe la Oona le ho bua ka Oona, metsotsong e latelang e leshome le metso e mehlano, e mashome a mabeli.

⁵ Genese, khaolo ea 22, le temana ea 7 le ea 8, ka mokhoa oa ho fumana seholloho.

Eaba Isaaka o bua le Abraham a ntatae, a re, Ntate: a re, Ke 'na enoa, mora ka. A re, Mollo le patsi ke tsena: empa nku ea secheso e kae?

Abrahama a re, Mora ka, Molimo o tla iponela nku ea secheso: eaba ba tsamaea ba babeli hammoho.

⁶ Morena Jesu, hlohonolofatsa Lentsoe la Hau, Le se ke la khutla le le feela, empa lipeo li ke li oele mobung o tla hlahisetsa ba hlokang poloko, 'meleng le moeeng 'moho. Re inehela ho Uena; phutheho, bamameli, Lentsoe, temana, moelelo oa taba. Moea o Halalelang o hape botho ba rona, re tle re bone Jesu Kreste. Amen.

⁷ Ke batla ho bua metsotsotso e 'maloa feela e latelang joale ka: *Tsela Ea Molimo E Hlahiselitsoeng Letsatsi Lena.*

⁸ Esale Molimo o hlophitsitse tsela. Litsela li peli, ke hore, litsela tsa rōna kapa litsela tsa Oona. Le kajeno Molimo o hlophisisitse tsela, hoba O hlophiselitse ntho e 'ngoe le e 'ngoe tsela. Molimo, tšimolohong, o tsebile qetello, ka baka leo O alile Lengolo la Oona la mongoaha ka mong. 'Me mongoaha oo, ha o fihla . . . Joale le se hlolehe ho bona taba ena. Mongoaha oo, ha o fihla, ka tloaelo tšebetso ea lentsoe e rarahane le mekha, le joalo-joalo, le meetlo, ho fihlela e le bohole ba limaele tse milione ho tloha Lentsoeng.

⁹ 'Me Molimo kamehla o romela motho temeng, moporofeta. 'Me moporofeta enoa . . . Molimo ha o fetole tsamaiso ea Oona le ka mohla. Ha O fetole litsela tsa Oona. Kamehla O e sebetsa ka ho tšoana. O entse joalo kamehla; O tlameha ho e etsa le lekhetslong lena. 'Me, ka sena, Molimo o a sebetsa o netefatsa Lentsoe leo. Joalokaha ke buile le lona maobane bosiu, Molimo o Itolokela ka seqo. Molimo ha o hloke motho ho O tolokela Lentsoe. O Le toloka ka Sebele, ka ho Le netefatsa, ho Le pakahatsa. 'Me ha Molimo O re o tla etsa ntho e itseng, O a e etsa ke hona, potso ha e sa le eo ho eona. O e sebetsa joalo.

¹⁰ Kahoo Molimo o re etselitse tsela. Modimo o rata bana ba Oona. O rata batho ba Oona. O batla ho ba thusa. O batla ho u thusa ho feta kamoo u batlang thuso. Ha u mpa u ka e kenyapelong ea hau, hore Molimo o ikemiselitse ho u thusa ho feta kamoo u ka ithusang. Empa O entse tsela, 'me ke eona feela tsela eo A tlang ho sebetsa ka eona ke ka tsela ea Oona. U tlameha ho kena lipehelong tsa Oona, e seng lipehelo tsa hau. Lipehelo tsa Oona! Uena u e batla ka tsela e itseng, empa O—O u hlahisetsa eona ka tsela ea Oona.

¹¹ Joalo ka Naamane ea qoelang e—e—e metsing a Jordane. Khele, o tlalehile metsi a naha ea habo a hloekile a ntlatfetse ho feta, empa e ne e se boletsoeng ke moporofeta. "Qoela mona." A qoela hang, lepera le ntse le le teng; makhetlo a tšeletseng, le ntse le le teng. A tlameha ho mamela le ho latela tsela ea Molimo. 'Me hoba A mamele tsela ea Molimo ka bottlalo, lepera la nyamela.

¹² 'Me ke a bolela, bosiung bona, ha re ka mamela tsela e entsoeng ea Molimo, lepera le tla nyamela, ho kula ho tla nyamela, ntho e 'ngoe le e 'ngoe e tla tloha, empa re lokela ho

tla ka tsela ea Oona ea letsatsi lena. Joale, ho qoela Jordane ho ke ke ha thusa letho hajoale; hoo ho ne ho etselitsoe Naamane. Molao e ne e le oa—oa Bajuda. Mohau o ka Kreste.

¹³ Empa mongoaha ka mong o se o baletsoe sekoto sa oona sa Evangelii. Bibele ena ke tšenolo e tletseng ea Jesu Kreste. Ho ke ke ha ekeletsoa ho Eona, kapa ha tlosoa letho ho Eona; motho ea etsang hoo o rohakiloe. Re ke ke ra eketsa letho ho Eona, ho tlosa letho ho Eona. Re tlameha ho sheba ka Mona le ho bona se tšepisitsoeng mongoaha ona, re ntano se bona se etsahala. Oo ke Molimo o tolokang Lentsoe la Oona ka Sebele. Mohla E itseng, “Moroetsana o tla emola,” o e entse. Ke bona botoloki ba Molimo ba Lona. Seo O se tšepisang, sona O a se etsa.

¹⁴ Joale re a bona Molimo ha o fetole litsamaiso tsa Oona tsa ho etsa lintho. O e etsa joalo kamehla. Re lula re fetoha hoba re na le qetello. Re etsa liphoso tsa mefuta eohle, ’me re ka ntlafatsa ra ba ra ntlafala ho feta. Empa Molimo ha o na qetello. Qeto ea Oona ea pele e phethahetse ka linako tsohle. O ke ke oa hlalefa ho feta. O ne o . . . Ke mohloli oa bohlale bohle. O bohlale bohle. O boholobohle, matlaohle, motlalahohle, motsebatsohle, le mohlokapheletso. Ka baka leo, ha O boela taba efe, felahanya moea wa hau ka Eona, hoba ke ’nete.

¹⁵ Joale likereke tse ling li re, “Me ha re lumele *Sena*, ’me re lumela *sane*.” Molimo o ke ke oa ahlola e—e lefatše ka kereke. O le ahlola ka Jesu Kreste, ’me Jesu ke Lentsoe. O tla ahlola kereke ka Lentsoe.

¹⁶ ’Me efela *Ena* ha e le tšenolo ea Jesu Kreste ea mengoaha eohle, le ea mongoaha ona, O senotse ka Bibeleng ena seo A tlang ho se etsa mongoaheng ona; ’me ha re E bona e etsa hoo, ha re O bona o etsa seo O tšepisitseng ho se etsa. Ha se tsoalo ea moroetsana; hoo ho hlahile lilemong tse likete tse peli tse fetileng. Empa seo O tšepisitseng ho se etsa kajeno, seo O boletseng O tla se etsa kajeno, ke seo O leng sona kajeno.

¹⁷ Hangata, batho ba re, “Be, ha ke lumele *Hoo*.” Be, u nkile toloko ea Eva hape; e nkang sekoto sa Lona feela, empa e seng kaofela ha Lona.

¹⁸ Kahoo re batla ho hopola hoba Molimo o lula a tšoana. Lentsoe la Oona, ’me seo O se bolelang, O tla se etsa.

¹⁹ Ho bontša hobane ha O fetoh. Ho Genese 1, O itse, “A peo e ’ngoe le e ’ngoe e hlahise mofuta oa eona. A peo e ’ngoe le e ’ngoe e hlahise ea mofuta oa eona.” ’Me hantle mono, re otla ntho e ’ngoe hantle mono e thefulang boraphethohobutle bohle. U sitoa ho tsoalisa lintho hape. Ha u nka mohlala pere le—le e . . . le e—e tonki, ho li tsoalisa, u fumana moulo, empa moulo o ke ke oa tsoala hape ’me oa fumana moulo o mong. E emisa hona moo. “Peo ka ’ngoe ka mofuta oa eona.” Ba ka tsoalisa, empa e boela e iphetola hantle, ho e supa e sa fetoh e nyoloha joalo. Che, monghali. E emisa hona mono. U ka tsoalisa sepinache le ntho

e 'ngoe, 'moho, 'me oa ntša kale, empa u ka sitoa ho tsoalisa seo hape. Che, monghali. U ka nyalisa poone; empa ha u lema poone eo ea lebasetere hape, ha u fumane letho. U tlameha ho e tsoala bocha nako le nako. Hobane, Molimo o itse, "A peo e 'ngoe le e 'ngoe e hlahise ea mofuta oa eona."

²⁰ 'Me joale, ka ho nyalisa lintho, le shebe moo lefatše le keneng teng kajeno. Ke ne ke bala sengoloa mona, ho tsoa ho *Reader's Digest*, moo, "Lilemo tse mashome a mabeli ho tloha joale, basali ha ba sa tla fumana masea, haeba e tsoelapele. Ba ja lijo tse nyalisitsoeng." Taba ke hore, ba e nyalisitse, 'me batho ha ba etsoa joalo, ho ja lijo tsa mofuta oo. O etselitsoe ho kopana ho... kapa ho e ja kamoo e bōpiloeng kateng. Lebaka leo, kajeno, ba sa khoneng ho boloka linama le ntho e 'ngoe le e 'ngoe e le ka mokhoa oa eona, hobane ke lebasetere, sejalo sa mocheso, 'me, oh, mokhoa o mong le o mong ofe. Empa e futsoetsoe feela. Ho fihlile moo moloko 'ohle oa batho o timetsoang ke litšibollo tsa bona, ka ho leka ho nka seo Molimo o se entseng se le molemo, le ho se fetola le ho se etsa ka tsela e sele, ka mokhoa oa bona. E tloheleng kamoo Molimo o e entseng kateng!

²¹ Ebile e fihlile moo ba lekang ho nyalisa likereke, kajeno; ho tloha kolobetsong ea sebele ea Moea o Halalelang, ho ea ho tsukutlana ka letsoho; hofafatsa ho itseng, ho isa kolobetsong ea metsi. Oh, khili! Ntho eohle ke lebasetere. Re batla ho khutla.

²² Semela sa lebasetere, u tlameha ho se bokotsa le ho se nyanyatsa, le ho thibela likokoanyana le bo-maleshoane. Empa ha ho joalo ka semela sa 'nete se koenneng; se matla, ha se atameloe ke litsitsiri. Se otliloe ka ho lekana ho leleka kokoanyana.

²³ 'Me ho joalo le ka Mokreste oa 'nete! Ha u a tlameha ho mo bokotsa le ho mo phathatsa, le ho 'molella *sena, sane*, kapa se *seng*. O otliloe ka se seng ka ho eena, kolobetso ea Moea o Halalelang, e lelekang lintho tse ling tsohle. Ha u a tlameha ho mo qeka, hoba ke semela sa makhonthe sa Molimo. O otliloe ka ho hong ho eena ho loanang. Mokreste o loana noko ka 'ngoe eo a emang ho eona. O tlameha ho etsa joalo, haeba a lebeletse ho lula a le teng. 'Me, ka ho etsa hoo, o hlokomeloa ke Ntho ka ho eena.

²⁴ Eva o lekile ho nyalisa Lentsoe, qalong. Molimo oa re ho eena, "Mohla le se jang, le tla shoa mohlang oo." A leka ho Le futsoela ka tsebo a e neiloeng ke Satane. 'Me hoba a etse, a lahleheloa ke moloko 'ohle oa batho, hona mono, ho liabolosi, mohla a neng a leka ho futsoela Lentsoe la Molimo le sa tsoakoang le tsebo.

²⁵ Ha e tsoe tsebong ea Lentsoe, e tla ka matla a Moea o Halalelang! "Ha se ka matla, ka cheseho, empa ka Moea oa Ka," ho bolela Morena. Molimo o e etsa joalo. Lentsoe la Molimo ke Peo ea Bophelo Bosafeleng.

²⁶ Ha u leka ho Le futsoela, u tla etsang? U tla ipolaea ka Lona. E ke ke ea sebetsa. Le ke ke la tsoakana joaloka oli kapa metsi li kile tsa tsoakoa. E ke ke ea loka.

²⁷ Le ka mohla, ka mokhoa 'ohle, ha ba eso leke ho fumana letho le fetisang tsela ea Molimo ka molemo ho e phethisa. Ua tseba, ha ba eso fumane tsela, e molemo, ho qhotsisa tsuanyana lefatšeng lena, le fetang ho kobola e tsoa khaketlaneng ea eona. Na le tsebile? Ha ba eso fumane le fetisang ka molemo. Mothaka eo o tsoetsoe ka lenalana ntlheng ea oona—ntlheng ea molongoana oa eona. 'Me molongoana oa eona, o a sebetsa ho hohla, ho hlohla morao le pele, ho fihlela e hlahisa hlooho, e ntša hlooho ea eona, e kobola ho itšoasolla. Ke tsela e lokisitsoeng ke Molimo. Ha u ka e ntša khaketleng, e tla e bolaea. E ke ke ea phela ha u ka e ntša khaketleng. E tlameha ho pota ka tsela ea Molimo.

²⁸ Ke bona bothata ka Bakreste kajeno. Re ba nolofalitse, re ba tsukutile ka matsoho ho ba kenya ka sekhukhu, 'me ra ngolisa kerekeng. Seo ba se hlokang ke aletare ea thapelo ea khale moo ba rapelisang, ho fihlela ba itshebeletsa, ho tla ka tsela e lokisitsoeng ke Molimo, ho fihlela ba itokolla lefatšeng. Bothata ba eona, kajeno, ba ngola lebitso la bona bukeng ho ba sunya kerekeng, 'me ke phetho. Empa tsela ea Molimo, tsela e lokiselitsoeng, ke ho lula mono le ho sebetsa, ho fihlela Molimo a o nea Tsoalo e ncha. Ke hantle feelsa. Ha u e ntša, e tla e bolaea.

²⁹ Ke bona bothata, kajeno, ka batho. Tsoalo e ncha, bohole ba e qoba. Ha ba e rate. Oh, ba fapanyelitse Tsoalo e ncha ka ho hong, "nyoloha u lumele, 'me ke phetho seo u lokelang ho se etsa." Liabolosi o a lumela, ka sebele, 'me le a tseba ha a tsoaloa labobeli. Tsoalo e ncha e teng. E khemisana le ho hong, ho batlang ho sa khahle, tatso ea lefatše.

³⁰ Tsoalo efe e a nyonyeha. Ha ke tsotelle kae. Ka serobeng sa kolobe, kapa—kapa kokelong. Tsoalo e bohlasoa.

³¹ Ho joalo le ka Tsoalo e ncha! E tla u etsisa linthro tseo u sa li hopolang. E tla u theolela aletareng u lle, u hoeletse, u hlatsoe ferefe sefahlehong sa hau, ho phahamisa matsoho, ho rorisa Molimo, ho bua ka lipuo, le linthro tsa mefuta. Tsoalo e ncha e tla u etsisa hoo hobane ke tsela e lokiselitsoeng ke Molimo ho tsoaloa labobeli.

³² U tlameha ho shoa. O tlameha ho shoa pele o ka tsoaloa bocha. Peo efe e tlameha ho shoa pele e ka nchafatsoa. Ha e sa shoe, e itulela e inotsi. Motho o tlameha ho shoa nqa monahano oa hae. O tlameha ho shoa mohopolong oa ntho efe haese Lentsoe la Molimo, le ho tla ka tsela ea Oona. Oo ke motheo oa Molimo. Ha re kopane le Oona mehopolong ea rona; re kopana le Oona ka seo O se laetseng ho etsoa. Ke eo tsela Molimo e lokiselitsoeng eona. Batho ba e qoba; ha ba e batle. Empa ke 'nete, ka ho tšoana feelsa. E tla etsa hoo, e hlahisa lefu, 'me u tlameha ho shoa, ho shoa monahanong oa hau.

³³ “Be, ke a tseba Bibele e a e bua, empa ha ke e utloisise.” Lula moo ho fihlela Molimo o e senola. Ke hantle. E na le . . . Ke Tsoalo e ncha eo.

³⁴ Matata le likhantsi, ha ba eso a fumanele tsela e molengoana ho fallela Boroa, ho feta ho phutheha pele. ’Me ke hantle. U tla a bona a bokana ’me a ikhobokanya, a huloa ke tlhaho ea mofuta, ’me a bokana a phutheha pele a fofa, pele a fallela Boroa. Ke eng? Ke nako ea tsoseletso, mohla a kopanang kaofela. Na le kile la utloa lerata le kaalo bophelong ba lona, ho utloa likhantshi tseo li bokana, kapa matata ao? Ha ke eso utloe ntho e joalo! ’Me a na le . . . Ha ho letho, tsela e fetisang ho e etsa.

³⁵ Hangata, holimo koana merung e leboea, ke boha qalo ea maemo a batang a leholimo, Canada. Sehlopha sa matata a tsoaletsoeng mono letšeng leo, ha a eso tlohe letšeng leo, thakanyana lena ha le etse joalo. ’Me ntho ea pele le a tseba, moea o maruru o lepella o tsoa tlase Leboea. Mokokoana ona, oa khale, o tsoaloa e le moetapele feela, o qatsohela hantle mono mokhubung oa letša leo, o sunya lenakana la ona sebakeng, o honotha hane kapa ha hlano, ’me letata le leng le le leng le letšeng le tla o atamela hantle. ’Me le phahama mono, le toba Louisiana hantle ka kotloloho ea bokhoni ba lona, masimong a reisi.

³⁶ Hobaneng? Ha ba eso sibolle tsela e fetisang ka molemo ho feta moo. U ke ke ua a alosa ’moho. Ha u a pheha le ho . . . letlooa, ho a thota u a theolela mono. Letata leo le kelello o feta moo. ’Me ha u le kola ka letlooa leo, ho le theolela mono, le a tseba le ea lesakeng la hlabo. Ke hantle feela. Le inkela tsela e hlophisitsoeng ke Molimo.

³⁷ Motha o tlameha ho sebetsa joalo kajeno, ho se qhobjoe ka letlooa le itseng la phutheho ea bolumeli. Empa ho kena ka tsela e boletsoeng ke Molimo, ka kolobetsa ea Moea o Halalelang le Tsoalo e ncha, ’moka oa tsoseletso. E seng ho ingolisa kerekeng, ho qela ho tloha monyako ho isa monyakong o mong, ho aba dimakasine; empas Tsoalo, ho tsoaloa labobeli, ho tlatsoa ka Moea o Halalelang, tsela ea Molimo, ho itokolla lefatšeng. Ho lokile! Ho lumela Lentsoe la Molimo! Hora e tlide. Ke seo re tlamehang ho se lumela.

³⁸ Monna, u ke ke oa khona . . . Ha ke tsotelle banna ba ka lekang ho chakela letata leo la letša holimo mono ba re, “Joale beang butle, matatana ting, ke batla ho qoqa le lona ka khang. Mona re tšoere mokokoana o rutehileng. O apesitsoe Ph.D. le LL.D. Ke a le bolella, a ka le etella pele.”

³⁹ Matata ao a kelello ho feta moo. E, monghali. Ha a tsotelle thuto ea hae e fetisang, e ka bang eng. A ka bolela mohonotho oa lona o ikhethang. Ke tlhaho. Oh, khili! Kereke e loketse ho tseba Lentsoe la Molimo hakaalo!

⁴⁰ Ke molumo o ikhethileng o sa tsitsang. Bibele e boletse, Pauluse o itse, “Ekareha terompeta e hlahisa molumo o sa

hlakang, ke mang ea ka itokisetsang ntoa?" Ke hantle, ekareha kereke—ekareha kereke e hlahisa molumo o sa tsitsang oa "ho ingolisa."

⁴¹ Molimo o itse, "Tsoalo!" Seo Tsoalo e se entseng mono, Tsoalo e se etsa ka ho tšoana le kajeno, hobane Jesu Kreste e sa le eena maobane, kajeno, le kamehla. Seo A neng a le sona mohlang oo, O sona kajeno. Seo ba se entseng mohlang oo, re etsa hona hoo kajeno. Kamoo ba O amohetseng mono, ba etsa hona hoo kajeno. Ba fumana Ntho e tšoanang kajeno, ke seo ba se fumaneng morao mono. Haeba O ka fihla le ka mohla, O fihla ka tsela eona eo. Ke eona tsela, tsela e lokisitsoeng ke Molimo. Ha e fetohe le ka mohla.

⁴² Matata ha a fetohe le ka mohla. A phutheha ka botlalo, selemo le selemo, ho fallela leboea, boroa, le hohle moo a eang teng. A bokana pele.

⁴³ Molimo o sebetsa joalo. O romela Lentsoe la Oona seh leng, sehla seo, ebe Le a bonahatsoa. 'Me ha ke tsotelle ho hlahi lintho tse kae; ha ba bona Lentsoe la Molimo le baletsoeng letsatsi leo, le ho netefatsoa le ho tšepisoa, ba ke ke ba thibjoa ke letho. "Moroetsana o tla emola." 'Me haeba itse . . .

⁴⁴ "Morena Molimo oa rona o tla hlahisa Moporofeta ea joaloka 'na," Moshe o boletse.

⁴⁵ 'Me hoba ba bone Monna enoa a fihla 'me a etsa lintho tseo A li entseng, ba tsebile hoba e ne e le Messia. Mohla Filipi a bonang ho etsoa hoo, o itse, "U Kreste. U Khosi ea Iseraele." O e tsebile hoba Lentsoe le ne le e tšepositse, 'me e ne e phela tsatsing leo. Ho sa tsottelehe ke Bafarisi ba ba kae, Basadusi, ba neng ba eme haufi, Lingaka tsa Khalalelo, ha e a mo emisa le hanyenyane, hobane o ne a lebeletse tšepiso eo. Hoba a e bone e etsoa, eo e ne e le pontšo ea hora eo. Ke seo ba neng ba se shebeletse, tsela ea Molimo e hlahisitsoeng. E, monghali.

⁴⁶ Joale u ke ke ua neha letata, thuto. Le ke ke la khona. Le ke ke la e batla. Matata a mang a ne a ke ke a le sala morao, ho sa tsottelehe le fumane digarata tse kae. "Joale, shebang mona, ke kene sekolo sa matata. Ke tseba tsohle ka eona. Ke apesitsoe. Ke tseba lintho tsena tsohle." E ke ke ea thusa letho. Ha ho lefe la matata a mang le ka mo latelang, haeba e le matata a makhonthe, amen, hobane a batla pontšo ea mofuta. Ha a bona pontšo eo, a e lumela.

⁴⁷ 'Me efela ha letata le otliroe ka mokhoa ho e tseba, ho ka thoeng ka Mokreste ea tsoetsoeng labobel? Re tšoanetse ho tseba Jesu Kreste ka matla a tsobo ea Hae. Ho lokile. Molimo o e sebetsa ka tsela e lokisitsoeng ke Molimo.

⁴⁸ Hopolang, thuto e ne e sa tl'o sebetsa ho a isa nqalong e lokisitsoeng ke Molimo. Sebetsa seo li se tšoereng ke tlhaho. Me oona, matata ao, a tseba tlhaho eo e tla a isa nqalong e lokisitsoeng ea Molimo.

⁴⁹ Le Moea o Halalelang o isa Kereke nqalang e lokisitsoeng ea Molimo. E seng ho ngolisa le kereke, empa ho tlatsoa ka Boteng ba Oona, ho bona Lentsoe la Oona le bonahatsoa, le netefatsoa. Eo ke tsela ea Molimo e lokiselitsoeng kereke, kamehla, ho batho, ho ba tlisa nqalang eo Molimo o ba lokiselitseng eona. Ke hantle seo kereke e lokelang ho ba sona kajeno. Joale, re a tseba hoo ke 'nete.

⁵⁰ Ha ho tsela e fetisang ka molemo ho e . . . Ha ba eso fumanele lesea tsela e fetisang ho thola seo le se batlang ho feta ho le llela. Ha u mo fa tleloko, 'me u re, "Junior, u matsatsi a mararo feela, empa joale ha u batla, ha u batla bottolo ea hau, phahamisa tleloko ena u e letse," ho bona haeba e sebetsa. Ha e sebetse. Lesea le llela seo le se batlang. Eo ke tsela e lokisitsoeng ke Molimo. Ha u lla ho feta . . . U se ke oa shapa mothakanyana, o mpa a latetse tsela ea Molimo feela. O batla ho hong. Ke hantle. Ke eona feela tsela eo a tsebang ho bitsa 'mae; ho e tsetselela, ho e llela. Ke hantle.

⁵¹ Molimo o laella sena ho bana ba Oona. Molimo o laella sena baneng ba Oona ba lumelang. O entse hoo. E seng lipuo tsa hlalefo, e seng thutamolimo e itseng e kholo, ho ruta thutamolimo. O batla u llele litlhoko tsa hau. 'Me ke hantle, ho e llela! U sataletse haholo 'me u hoamme, u ke ke ua e fumana. Haeba u itokiselitse ho tuloa hanyenyane, le ho lla, Molimo o tla u neha eona. O rata ho utloa bana ba Oona ba lla. Llela litlhoko tsa hau ho Molimo! Molimo o a e batla. Ke tsela ea Oona e lokisitsoeng. E llele! Le lesea le lla joalo; O batla hore u e llele ka tsela eo.

"Ho lla ho fihlela neng?"

⁵² Lesea le lla nako e kae? Ho fihlela a khotosfala. Le Mokreste ea lumelang o lokela ho etsa joalo, ngoana oa Molimo. Ha u bona Molimo o entse tsepiso, u se ke oa e tela, lla ho fihlela e arabjoa. Lla ho fihlela u bona Molimo o netefatsa Lentsoe la Oona. Ha Molimo o netefatsa Lentsoe la Oona, le ho e paka e le teng mona, joale ha u sa tlameha ho lla hape; u e fumane, ikele u Mo lebohe ka eona. Ho fihlela u etsa hoo, hoeletsa ho fihlela u e fumana. Ke rata seo, ho phehella, ho tiisettsa.

⁵³ Ha se semela sa lenyalisoa, ha se se tlamehang ho bokotsoa le ho neneketsoa, le ho thotelo hohle. Bakreste ke ba makhonthe, ba sebele, ba tsoetoeng, lithepa tsa Molimo. Ba loela maemo a bona, le ho loana ho fihlela ba qetile lefatšeng lena. Khato ka 'ngoe ea eona ke ntoa.

⁵⁴ Molimo o boleletse Moshe hoba O mo neile lefatše. O boleletse Joshua, "Hoohle moo leoto la hau, kapa bohato ba leoto la hau, Ke le neile lona." Ba lokela ho loanela noko ka 'ngoe ea eona. Le rona re loanela noko ka 'ngoe ea eona. Ha se ntho e tlamehang ho bokotsoa le ho phathatsoa, le hohle joalo, le ho

re, “Be, ke tla u isa mono, ho bona seo u se nahangan ka eona. O hlahise maikutlo a hau.” Eo ha se tsela ea ho tla.

⁵⁵ Tloo ka boikemisetso. Tloo u ipolella ho lula mono ho fihlela e felile. Lula mono ho fihlela Molimo o araba le ho netefatsa. Monna ea lumelang ho Molimo, a ka bona Boteng ba Molimo, ho utloa Boteng ba Molimo, ho phopholetsa Boteng ba Molimo, le ho tseba hore O teng mona. O teng mona ho araba sohle se O se tsepisitseng letsatsi lena. Joale, lla ho fihlela u e fumana! Itšoarelle ho Eena. U se ke ua sutha, le haeba u tlameha ho lula bosiu le motšeħare. Molimo ha o batle bana ba Oona ba mamela lipuo tsa bohlalefi. O batla hore ba E llele, ho fihlela tsepiso e netefatsoa.

⁵⁶ Abrahama mona o ne a hloka seħlabelo. Ho etsahetse’ng? Molimo oa mo fa konyana. E ne e le tsela e lokisitsoeng ke Molimo. O ne a hloka seħlabelo, kahoo Molimo oa se hlahisa. Hamorao, a rea sebaka seo *Jehova-Jire*, “Jehova o tla Itlhahisetsa seħlabelo.”

⁵⁷ Joale, Jobo, ka mohla, moporofeta oa boholo, Jobo. E ne e le moporofeta. O ne a kene mathateng. Satane o ne a lakalitse ho mo leka, ’me a mo otla ka mathopa. ’Me a nka bana ba hae, a nka mohlape oa hae, a nka leruo la hae lohle, ’me a mo otla ka mathopa.

⁵⁸ ’Me batħsetsilis ba hae ba fihla, ba etsa’ng? Ha ba hlahisa letho ba mpa ba somme, ba mo tloka, ba ’molella, “Khele, u entse sebe, lekunutung.”

⁵⁹ ’Me Jobo a mpa a tiisetcta hantle feela. A lla. A kholisehile hoba o latetse litaelo tsa Molimo. A entse hantle feela seo Molimo o tsepisitseng ho se etsa. Seo Molimo o mo baletseng sona, hore O tla mo tšeħetsa, tħasa seħlabelo-secheso, ’me a lula mono.

⁶⁰ Kahoo, Molimo oa mo hlahisetsa pono. E ne e le moporofeta. O bone eng? O bone Lentsoe, Jesu Kreste. A re, “Kea tseba Molopolli oa ka o a phela. ’Me matsatsing a qetelo, O tla ema holim’ a lefatshe. Leħa liboko tsa lettħalo li senya ’mele ona, empa ke tla bona Molimo ka nama ea ka.” Le a bona, Oa mo hlahisetsa pono ea tsoho. E ne e le moporofeta, o bone Lentsoe. O bone Lentsoe ’me a tseba hoba masapo a hae le ’mele oa hae li tla tsoha hape tsatsing la ho qetela. A botsoa haeba a tsebile leaho la Molimo, holane feela a ka bona.

⁶¹ A re, “Palesa e a shoa, e boela e tsoha; sefate se a theoha, se a tsoha hape; empa motho o a robala o neela moea, o fela matla, o ho kae? Holane Ua mpata lebitleng, oa mpoloka tulong e sephiring, khalefo ea Hau ea ba ea feta.”

⁶² Eaba lialuma li qala li luma, lehalima la qala la halima, Moea oa Morena oa theohela holim’ a moporofeta. ’Me a ema, ’me o bone ho Tla ha Morena, ’me a hoeletsa, “Ke a tseba Molopolli oa ka o a phela, ’me matsatsing a ho qetela O tla ema holim’ a lefatše. Leħa liboko tsa lettħalo li senya ’mele ona, ke tla bona Molimo

nameng ea ka.” Molimo o hlahisitse Lentsoe, Jesu Kreste, ‘me a ‘Mona ‘me a ‘Mitsa Molopolli oa hae.

⁶³ Israele e ne e hloka tsela e tsoang Egepeta, ‘me Molimo o ba hlahiselitse moporofeta, moporofeta ea netefalitseng Lentsoe le neng le baletsoe Abrahama. Hantle feela, tsela ea Molimo e lokiselitsoeng! Ba ke ke ba koetlisa lesole, ba ke ke ba etsa *sena*, ba ke ke ba etsa *sane*. Ba mpa ba emela tsela e lokiselitsoeng ke Molimo. ‘Me Oa bua, oa re, “O tla lokolla batho bao, ka morao ho lilemo tse makholo a mane. Batho ba Oona ba ne ba tla ba bokhobeng, empa O ne o tla ba ntša ka letsoho le matla. O ne o tla hlahisa mehlolo ea Oona le meeka, ‘me a ithuele khanya sechabeng seo.”

⁶⁴ Monna ke enoa a theoha, mohla ba ne ba lla ‘me ba lla! ‘Me joale hopolang, lillo tsohle ha li a ba pholosa, ho fihlela nako eo e phethehile.

⁶⁵ Lintho tsena tseo re li bonang kajeno, li ne li ke ke tsa etsahala lilemo tse mashome a mabeli tse fetileng, kapa lilemo tse mashome a mane tse fetileng. E etsahala kajeno. Ena ke hora! Ena ke nako! Joale ke nako ea ho phethisoa ha eona. Hobaneng? Molimo o e tsepisitse, ‘me ke ena.

⁶⁶ Ba itse, lilemong tse lekholo tse fetileng, ha thoe, “Kolobetso ea Moea o Halalelang e ne e ke ke ea ipheta hape.” Ba itse, lilemong tse mashome a mahlano tse fetileng, “Moea o Halalelang . . .” Empa lona batho ba Pentekosta le ba paketse, hore e ne e le hora ea Molimo ea ho tšela Moea o Halalelang. Ho sa tsottelehe seo Methodise, Baptise, Presbeteriene, Luthere a se buileng, le ile la ema le Lentsoe la Molimo hantle. Banna ba sebete ba ile ba tsoa mono ba tiisetsha ho fihlela kolobetso ea Moea o Halalelang e tlide, ‘me ba bua ka lipuo ‘me ba tlotlisa Molimo. Ha ho motho ea ka le bolellang taba e fapaneng. Molimo ke toloko ea Oona ka Sebele; le e fumane. Le ka tsoa tsoa le sa khone ho e hhalosa, empa u a tseba hore u e fumane. Ke mang ea ka hhalosang Molimo? Ha ho motho ea ka khonang.

⁶⁷ Ha ke khone ho le bolella kamoo Molimo o ka hlahisang pono, empa ke a tseba e a etsahala. Ha ke bone kamoo Molimo o ka etsang lintho tsena. Ha se taba ea ka ho e hhalosa. Oona, o lula a inotsi. Ke Elohim, Rabokhoni-bohle. Ke mpa ke le mohlanka oa Oona feela. Ke a tseba O e tsepisitse, ‘me ke a tseba e teng mona. Ke ntho e le ‘ngoe eo ke e tsebang. Ke tseba seo, hore esale Eena maobane, kajeno, le kamehla. Ke a tseba O tsepisitse sena, ‘me Molimo o teng mona ho phethisa pallo ea Oona. Yaa. Tsela e hlahisitse ke Molimo!

⁶⁸ Israele e ne e hlahiselitsoe moporofeta, ea netefalitseng Lentsoe, ‘me ba ile ba holloa. Moporofeta enoa, Moshe, o phetse lilemo tse ‘maloa lefeelleng, lilemo tse mashome a mane, a sotleha le batho bana, a leka ho ba baballa ho fihlela a ba fihlisa lefatšeng la pallo. Ha fihla moo, monna eo a tlameha ho shoa;

a le lilemo tse lekholo le mashome a mabeli. Ho se moo a ka shoelang teng. Mohla a itokisetsang ho shoa, Molimo oa mo hlahisetsa Lefika; Lefika leo a le otlileng lefeelleng, Lefika le kileng la ba sala morao, leo ba kileng ba noa ho lona. Molimo o mo hlahiselitse Lefika, sebaka sa ho shoela teng, moo Moshe a ka shoang lefu le hlomphehang.

⁶⁹ Holima Lefika lena, Molimo, nke ke shoele holima Lefika lona leo! Ke hona moo ke batlang teng. Lefika leo e ne e le Kreste Jesu. E, monghali.

⁷⁰ Hoba a shoele, holima Lefika leo, o ne a hloka bajari. Molimo oa mo romela sehlopha sa Mangeloi. Hobaneng e se sehlopha sa baholo ba hae? Hobane ho se ea neng a ka mo thotela moo a habile teng, haese Mangeloi. A ile a mo thotela ka pel'a Sefahleho sa Molimo, o ne a hloka bajari 'me Molimo oa e hlahisa. O tsamaile ka tsela e lokiselitsoeng ea Molimo. Alleluia!

⁷¹ Henoke o ne a tsamaile le Molimo lilemo tse makholo a mahlano, 'me a Mo khahlisa. O ne a hloka 'milakholo o eang Hae. Molimo o e hlahisitse.

⁷² Elia o ne a rohakile Jezebele ka sefahleho sa hae se takiloeng, le kamoo a neng a etsisitse batho bohle lintho. 'Me o ne a khathetse a katlehile, 'me a a le mothating oa ho ea Hae. O ne a tsofetse a batla a sa khone ho t'sela Jordane; Molimo oa mo hlahisetsa tsela ea ho t'sela Jordane. O ne a batla ho nyolohela Leholimong, ho kopana le Molimo; Molimo oa theola koloi ea mollo, le lipere, oa mo nyolla. tsela e hlahisitsoeng ke Molimo. Tsela e hlahisitsoeng ke Molimo. O e sebetsa ka nepo feela kamehla. Hantle. E, monghali. Molimo o hlahisa tsela, kamehla.E.

⁷³ Banna ba bohlale, leetong la bona ho tsoa holimo Babilona, ba ne ba bona tsela eo ba neng ba batlile ho theoha ka eona, hobane ba tsebile Morena enoa a ne a tla tsoaloa. Ba ne ba hloka t'supakhutlo; Molimo oa hlahisa Naleli. Ba siile tsohle morao. Ba ne ba sa hloko lit'supakhutlo; ba latetse Naleli. E ne e le tsela e lokiselitsoeng ke Molimo. Molimo o hlahisitse tsela, ba latetse Naleli ba ba fumana Leseli le phethahetseng. Oh!

⁷⁴ Lefatše le ne le hloka Mopholosi, ka tsatsi le leng. Ba ne ba lahlehile; ba sa e tsebe. Ba hopotse ba bolokehile, feela ba ne ba hloka Mopholosi. Molimo o hlahisitse Mora, e le Mopholosi. Hobaneng? Ho se motho ea ka e phethisa. Ho se motho lefatšeng, ho se motho Leholimong, ho se letho kae, ea neng a khona ho e phethisa. Molimo oa khurumetsa moroetsana, a emola 'me a tsoala Ngoana e Motona. 'Me Ngoana e Motona eo e ne e se Mojuda kapa Molichaba. E ne e le Molimo, o bonahalitsoe nameng, Eena feela ea neng a ka lopolla. Mali a Hae a re pholosa. Mali a Hae a re folisa. Ke Mali ao re ka emang holima ona, tsepisong efe A e entseng. Molimo o tsepisitse ho e phethisa.

⁷⁵ Molimo o kopana le morapeli feela ka Mali, le tlasa Mali. Iseraele e ne e fuoe nqalo e le 'ngoe ho kopana le Molimo. Ha se ka... Molimo o na le Nqalo e le 'ngoe, kajeno, eo A—A kopanelang le morapeli; e seng ha Methodise, Baptise, kapa Pentekosta. O kopana le bona tlas'a Mali. Ke eona feela nqalo eo Molimo o e hlahisitseng; e seng kahara mokhatlo, e seng kahara kopano. Empa Maling ke moo Jesu Kreste a kopanang le morapeli oa Hae. "Ha ke bona Mali!" Eo ke tsela e lokisitsoeng ke Molimo.

⁷⁶ Ka mora hoba kereke e khollisehe ka botlalo, eitseha ba 'Mona, hore E ne e le Messia!

⁷⁷ Mohla mosajana selibeng, mohla a neng a hloka Mopholosi, o ne a hloka ho bontša ho hong. O ne a kena kereke le ntho eohle, 'me ba ne ba bone tumeloana ena le tumeloana eane, ho fihlela, a ba a fetoha seotsoa. Ea mo lahlela seterateng. Ka tsatsi le leng, mohla a il'o kha nkho ea metsi, e ka ba hora ea leshome le motso o mong motšeħare, 'me teng ho lutse Monna; Mojuda holimo mona, pontseng ea tšenola e nyenyane ena. 'Me a re . . .

⁷⁸ A se a tla lihela nkho ka lebili, ho kha metsi, a utloa Monna a re, "Mosali, Mphe metsi." 'Me a re . . .

⁷⁹ A reteleha kapele, 'me a Mo hopola e le Mojuda feela, hobane E ne e le motho ha ho buua ka 'mele. E ne e le Motho; a ejá, a noa, a robala, joaloka rona. E ne e le motho hoo A neng a ka shoa, koana E ne e le Molimo. Re ntano fumana, hore mohla . . .

⁸⁰ Ho re "Ha se moetlo ho lōna Bajuda ho qela Basamaria tse joalo."

⁸¹ A re, "Holane u tsebile Ea buang le uena, u ka be u kopa metsi ho 'Na." Ho re, "Ea lata monna oa hau le tle koano."

A re, "Ha ke na monna."

⁸² A re, "U boletse teng. U na le ba bahlano, le eo u phelang le eena joale hase oa hau." Ha etsahala'ng? Molimo o ne o mo hlahisitse ho hong.

⁸³ A re, "Monghali, kea lemoha hobane U moporofeta. Re a tseba Messia mohla a tlileng, O tla re bolella lintho tsena. Ke seo A tla se etsa. Lentsoe le rialo. Re e shebeletse. Kea kula ke khathetse ke linyee tsena tsohle, litumeloana tsa bona le lintho, Bafarisi, Basadusi, le ma-Heroda, e ka ba eng. Empa re a tseba Messia o a tla, mohla A tlang. U reng ka eona?"

⁸⁴ A re, "Ke Eena." Amen! Molimo o ne a hlahisitse tsela. A siea nkho ea metsi, e le mosali ea fetohileng, 'me a matha a kena motseng, le ho re, "Tloong, le bone Monna Ea mpoleletseng tseo ke li entseng. Na enoa hase Messia?"

⁸⁵ Petrose, o ne a mametse pale ea Andrease, 'me o e mametse khafetsa, a utloa Andrease a bua ka Johanne ea tumisang Messia, le Monna, le lintho tsena tsohle tse etsahalang. Ntho eohle e le sephiri ho Petrose. Empa ka tsatsi le leng a tla le Andrease, ho

bona Jesu. 'Me ha a fihla ka pel'a Sefahleho sa Jesu, Jesu a mo sheba, 'me A re, "Lebitso la hau u Simone, 'me u mora Jonase." Molimo o ne a hlahiselitse Petrose tsela ea ho bona hoba E ne e le Mang. E ne e le Messia eo.

⁸⁶ Joale rea fumana, hoba Jesu a shoe, a nyolohele Leholidong, Kereke e ne e hloka Matla, ho paka. Molimo o ba fa Pentekosta. O hlahisitse Pentekosta.

⁸⁷ Ho se ho fetile lilemo tse likete tse peli, metsoalle. Ho se ho fetile lilemo tse likete tse peli. Matsatsing ana a ho qetela, re fihlile moo, motho o kene tsamaisong ea Bokreste 'me o boetse o E khopamisitse, ho Le futsoela ka litumeloana, likereke, mekha ea malumeli, lipuo tsa hlalefo, ho fihlela Matla le ntho ea sebele ea Evangelia ea Kreste e fela e lahlehile. 'Me ke rona bana ka Lentsoe le baletsoeng matsatsi ana a qetelo, se tla etsahala, se tla hlahla; motho ha a Le lumele. Ba Le hlobohile. Ha u ba botsa hore ke Bakreste na; ho thoe, "Ke setho sa *hore-le-hore*." Hoo ha ho bolele letho. U loketse ho ba Mokreste ka tsoalo. Joale re hlahletse ntho eohle Babilona hape, ka mora lilemo tse likete tse peli.

⁸⁸ Kereke kajeno e hloka Matla le 'Neta, hape. Oh! Molimo o tsositse Mora oa Oona, hore khonahalo ena e be teng, hobane O itse, "Ho se ho se hokae 'me lefatsho ha le sa tla Mpona; leha ho le joalo le tla Mpona, hoba Ke tla ba le lona, le ka ho lona." Re fumana, ho Baheberu 13:8, "Esale Eena maobane, kajeno, le kamehla."

⁸⁹ Refumana, ho Malakia 4, O re tsepisitse Molaetsa matsatsing a qetelo, o tlang ho "busetsa Tumelo ea batho ho bontate hape." O e tsepisitse, matsatsing a qetelo.

⁹⁰ O boetse o tsepisitse, ho Johanne 14:12, "Ea lumelang ho 'Na, mesebetsi eo Ke e etsang o tla e etsa le eena. O tla etsa e mengata ho ena, kapa e meholo ho ena, o tla e etsa, hoba Ke ea ho Ntate."

⁹¹ O ne a bua ka tsatsi le leng. Ba itse, "Monghali, re bontše mohlolo."

⁹² A re, "Moloko o fokolang, le o mofebi, o batla mohlolo." Ke moloko oo re phelang ho oona kajeno. A re, "Athe Ke tla ba hlahisetsa mohlolo. Hobane joalokaha Jonase a hlotse mpeng ea leruarua, matsatsi a mararo le masiu a teng, le mora Motho e ka khona a hhole pelōng ea lefatše, matsatsi a mararo le masiu."

⁹³ Ke pontšo ea mofuta ofe e tla fuoa moloko o khopo le o mofebi? Pontšo ea tsoho. 'Me ke seo re se baletsoeng kajeno, pontšo ea tsoho e reng O sa ntse a phela, Esale Eena maobane, kajeno, le kamehla.

⁹⁴ A re, "Joaloka mehleng ea Lota," joalokaha re haotse maobane bosiu. "Matsatsing a Lota, se hlahileng matsatsing a Lota, ho tla ba joalo le ho tleng ha Mora motho." Lintho tsena re li tsepisitsoe, Mangolo a mang a mangata. Ho qoba ho minya

nako... “Ho se ho se hokae ‘me lefatše ha le sa tla Mpona. *Kosmos*, ‘tsamaiso, mongoaha oa kereke,’ ha ba sa tla Mpona. Empa lona le tla Mpona, hoba Ke tla ba le lona, le ka ho lona, ho isa bofelong ba mongoaha.” “Jesu Kreste eena maobane, kajeno, le kamehla.” Ke eng? Ke pontšo e hlahisitsoeng ke Molimo, tsela e hlahisitsoeng ke Molimo.

⁹⁵ Abrahama ea emetseng mora. Pontšo ea ho qetela eo a e boneng pele Balichaba ba felisoa, e ne e le Molimo o bonahatsoang nameng ea motho, ea tsebileng liphiri tsa pelo ea Sara mohla a leng ka tenteng. Jesu o itse, “E tla khutla hape ho tleng ha Mora motho.” Moena, khaitseli, ke lumela re phela letsatsing leo. Ke lumela lena e le ke letsatsi la tsepiso.

⁹⁶ U tlameha ho ba le tumelo ho seo u se etsang. Haeba u se na tumelo, haeba u e nka ka ho ipelesa eona... Lentsoe *akanya*, ho latela Webster, le bolela, “ho ipelesa ntho u sa fuoa tokelo.” Empa ha Lentsoe le e tsepisa, ‘me Molimo o tšehtsa Lentsoe leo, ha u sa hlola u hakanya. U etsa hantle seo Molimo o se laetseng ho etsoa, ‘me O tlamehile ho Le tšehtsa.

⁹⁷ Moholo, ea tummeng, e—e motsoseletsi, lilemong tse ngata tse fetileng, ke ‘mone ke sa le moshanyana, e ne e le Paul Rader. O phetile pale, letsatsi le leng, esale e nkhomarela. A re, “letsatsi le leng, re ne re ratha patsi.” O ne a rema lifate, holimo Oregon, ‘me a re eaba moetapele o mo laela ho nyolohela hlorong ea leralla. O ne a lora. Hantle moo a neng a le teng, mohlang oo, a le tlase lihlekehlekeng; ‘me a tšoaraoa ke feberu, a chesa haholo, ‘me o ne a eshoa. Ba laetsa ngaka, empa e le bohole ba limaele le limaele, ka mokoroana.

⁹⁸ Pele ngaka e fihla, Paul a qala a sithabela, a eketsa ho kula le ho kula ho feta. A bitsa mohatsae ea tšepehang. A re, “Moratuoa, ho eketsa ho fifala ka phaposing, ho fifala ho feta, ho khurumetsa.” ‘Me a khutla a ilibana.

⁹⁹ ‘Me hoba a etse, a re a lora, khabareng ea ho ilibana hona, moetapele oa hae a mo laea ho ea rema sefate sa mofuta. A fumana sefate, a rapalatsa sefate, a liketsa selepe sa hae ho sona, ‘me a inama ho se phahamisa. Keha a sa khone ho se phahamisa. Ho re matla a hae a ne a felile. A sa khone feela ho se phahamisa. A re, “Ho ea ka boholo ba sefate seo, ruri nka se phahamisa. E re ke leke hape.” ‘Me a inama ‘me a phahamisa, a semella a ba a khathala. A lula pel’ a sefate, ho re, “Ha ke tsebe feela seo nka se etsang. Moetapele o hloka sefate sena tlase mane liahelong, ‘me ke fokola haholo ho se theola.”

¹⁰⁰ Ho re eaba o utloa Lentsoe le fetisang ka monate leo a kileng a le utloa, e le moetapele oa hae ea buileng; empa a re, ha a reteleha ho bona moetapele oa hae, e ne e le Morena Jesu. A re, “Paul, u kolokochana ke’ng hakaale? U tšoentsoe ke’ng kahohle? Na u bona metsi ao a phallang mono?” Ha thoe, “Hore’ng u sa

lahlele sekoqo ka nokeng feela, 'me u se kalane u theohele? Ho se kalla ho ea liahelong."

¹⁰¹ A qhomela holima sekoqo 'me a qala a lepella ka maqhubu, a hlabile litlatse ka lentsoe le phahameng. "Ke se palame! Ke se palame!"

¹⁰² Moena, khaitseli, Jesu Kreste o tsepisitse lintho tsena ho hlaha matsatsing a ho qetela. Ke lumela hoba re phela mona. Ke lumela hoba esale Eena maobane, kajeno, le kamehla. Ha ke tsebe na e etsahetse joang, empa ke palame holim'a Eona. Ke lumela hoba Ke 'Nete, hobane Ke Evangelii, tsela e hlahisitsoeng ke Molimo. Kea lumela Ke Molaetsa oa hora, nako eo re phelang ho eona. Ke tsela e lokisitsoeng ke Molimo. Ke palame holima Eona!

Na u ke ke ua qhomela le 'na, re sa inamisa lihlooho tsa rōna?

¹⁰³ Ntate ea Leholimong, re palame re kena Khanyeng holim'a Lentsoe la Hau. Rea lumela Lentsoe la Hau ke 'Nete. Oho Molimo, monna e mong le e mong le mosali, bosiung bona, ba hloelle holim'a Lentsoe, le ho hopola, ha ba ntse ba theoha leetong, ba ka paka, "Ke palame holim'a tsepiso ea Molimo. E tla nthota e nkenya hantle feela Khanyeng. Ke tsela ea Molimo e hlophiselitsoeng kajeno. 'Jesu Kreste eena maobane, kajeno, le kamehla."

¹⁰⁴ U itse, "Ho se ho se hokae 'me lefatše ha le sa tla Mpona, empa lona le tla Mpona; hobane Ke tla ba le lona, le ka ho lona." U re tsepisitse, Morena, hore re tla U bona.

¹⁰⁵ Bagerike ba fihlile, ka mohlang o mong, ha thoe, "Bengali, re rata ho bona Jesu." 'Me ba fuoa monyetla oo. 'Me bosiung bona, Morena, re batla ho U bona, le rona. Ke takatso ea lipelo tsa rona. Ha ho mang utloetseng ka Uena le ka mohla, ba sa batla ho U bona. Joale efela Bagerike bana ba ne ba lumelloe ho U bona, 'me U re hlophiselitse tsela ho U bona, ha U phetse ho betla tsela hobane esale Uena maobane, kajeno, le kamehla. Mohlanka o tlisitse Bagerike bana pela Sefahleho sa Hau, 'me ba U bone. Re fe monyetla o tšoanang bosiung bona, Ntate. Rona, re leng bahlanka, re tlise letšoile lena ka pela Sefahleho sa Hau. 'Me re bone Jesu, bosiung bona, Eena maobane, kajeno, le kamehla. Aba sena, Morena.

¹⁰⁶ Pholosa ho timetseng, Morena, ha monna, mosali, moshanyana, kapa ngoanana a le teng. Ha re bona sechaba sa habo rona se silafalitsoe ke babolai le batho ba sehloho, le makhopama, le ho bona bobolu sechabeng kajeno! Le ho bona bobolu ka hara likereke, le ho ba bona ba habile hlabong eo ea likereke holimo mono, hobane ha ba tsamaee ka tsela e hlophisitsoeng ke Molimo! Ba tsamaea ka tsela ea tumeloana sebakeng sa ho tla ka Lentsoe.

¹⁰⁷ Molimo, rea rapela hore Bakreste ba makhonthe, ba sebele, ba tsoetsoeng, joaloka ha ke e bapisitse, ka ho ba matata a

makhonthe, bona . . . “Linku tsa Ka li utloa Puo ea Ka, o sele li ke ke tsa mo latela.” Morena, Puo ea Hau ke Lentsoe. Esale e le tsela ea Hau e lokiselitsoeng Kereke le batho, ke Lentsoe la Hau. “Lentsoe la Hau ke ‘Nete.” ’Me U Lentsoe. ’Me Bibele e a re bolella, “Lentsoe la Molimo le bohale le fetisa sabole e leolitsoeng ka nqa tse peli, mosenoli oa mehopolo le merero ea pelo.”¹⁰⁸

¹⁰⁸ Hobaneng Iseraele a sitiloe ho bona Messia oa bona, mohla ba boneng hoba E ne e le Lentsoe leo, mohla A ne a lemoha mehopolo e lipelong tsa bona? Hobaneng ba sa khona? Ba kile ba e utloisia ka baporofeta, hore baporofeta ba khonne; empa mohla bottlalo ba Molimo bo neng bo etsoa Mora oa Oona, ’me O phetse hara rona, eaba ba sitiloe ho e bona hoba ba ne ba foufalitsoe.

¹⁰⁹ Morena, bao ba tutubolotsoeng mahlo, bosiung bona, re ke re bone Jesu hara rona. Mokuli e mong le e mong ea kulang a fole. Hona ho e batalatse, Morena, hore ba se hhole, ho qala horenge na ho ea pele . . . ba mpa ba tla lumela hore U Messia. Ba tla ka tsela ea Molimo. Ba bangata ba bona ba mona, bosiung bona, baa shoa. Ba bangata mona, bosiung bona, ba ka tsho ba se mona veke ho qala kajeno, ha Uena, thuso ea Hau e sa tle.

¹¹⁰ Joale, Ntate, U jere boikarabelo ba seo U se tšepisitseng. Empa U tšepisitse ruri hoba re tla U bona. U tšepisitse hoba seo U se entseng re tla se etsa le rona. Ena ke hora. Ke e boletse; ke a e lumela. Ke utloile U rialo; Lentsoe la Hau le rialo. U a e tiisa. Kea tseba hore ke ‘nete. Joale ho ke ho tsebjoe, Morena. E ngoliloe, joale e etsetsoe, ’Muso oa Molimo. Amen.

¹¹¹ Ha ke kholole re tla mema mola oa thapelo. Ke lumela ke tla e sebelisa ho tloha hantle mona.

¹¹² Bakuli ba bakae ho lona? Joale u tla . . . U phahamisitse letsoho la hau, u paka hore u a kula.

¹¹³ Ba ba kae ho lona ba tla paka ntho eona eo, “Moena Branham, ke hlile ha kea bolokeha”? Na u ka phahamisa letsoho la hau, “Nthapelle”? Molimo a u hlohonolofatse, uena. Ke botle. Hoo ke . . . Molimo a u hlohonolofatse. “Ha kea bolokeha.”

¹¹⁴ Joale, lona ba phahamisitseng matsoho a lona, le lona ba sa etsang, “Empa, Moena Branham, ruri ke batla ho bolokeha. Ke pelo ea ka. Ke lumela mang a sa salloa ke letho lefatšeng.” Ke hofe hape, u ka finyella’ng, ho ka fetisang pholoho ea hau ka boholo? “Nthapelle. Ke batla ho bolokeha.” Na u ka phahamisa letsoho la hau, hohle ka mohahong, e ka bang kae, “Ke batla . . .”?

¹¹⁵ Ba ba kae ho lona ba eso amohele Moea o Halalelang, ho re, “Ke a tseba ke tšoanelo ho O amohela”? Phahamisang matsoho a lona. “Ha ke eso khone; ke a batla.” Ke hantle, ba ’maloa haholo ba eso khone.

¹¹⁶ Joale, Kreste o boloka Lentsoe la Hae, 'me le uena u loketse ho boloka tumelo ea hau ho Eena. Eena ke Lentsoe. Joale, Baheberu khaolo ea 4, e boletse, "Lentsoe la Molimo," e leng Kreste. Kreste ke Lentsoe. Bohle le tseba seo? E reng, "Amen." [Phutheho e re, "Amen."—Mong.] Ke Lentsoe, "eena maobane, kajeno, le kamehla." Seo A neng a le sona ka ho Moshe, O ne a le sona ka ho Elia; seo A neng a le sona ka ho Elia, O ne a le sona ka ho Johanne; seo A neng a le sona ka ho Johanne, O Iphethisistse ka ho—ka ho Jesu. 'Me kajeno O sa ntse O tšoana le mohlang oo, 'me E sa ntse e le Lentsoe la Molimo le porofetetsoeng letsatsi, taba e Mo etsang Leseli le bonesang le le netefatsang Lentsoe la pallo.

¹¹⁷ Re nakong ea qetelo, metsoalle. Jesu o teng. Kea tseba le utloile hoo.

¹¹⁸ Ho ka thoeng holane u eso bone le ka mohla, bophelong ba hau, 'me u e-so fuoe thusakutlo ea pono, ho se motho ea kileng a khona, empa khafetsa u ne u utloa mofuthu oa mannete? 'Me 'na ke bona, ke khona ho bona, 'me ke u bolella hore e ne e le letsatsi. U re, "Ha ke tsebe kamoo e etsahalang, empa ke arubetsoa ke maikutlo, a batlang a mofuthu, ao u a utloang."

Ke re, "Leo ke letsatsi."

"Letsatsi ke eng?"

"Ke leseli."

"Leseli ke eng?" E ne e tla ba lefatše le lecha ho uena.

¹¹⁹ Empa holane nka u bolella hoba Jesu Kreste o eme mona joale? Ha nka u bolella hore U hara rona? O e tšepisitse. "Moo ba babeli kapa ba bararo ba phuthehileng ka Lebitso la Ka, Ke mahareng a bona. Ke teng!" Joale hoo ke 'Nete, ho 'na, *Ena* ke 'Nete eohle, kapa ha Se 'Nete ea letho. *Sena* se Lokile, kapa ha se a loka.

¹²⁰ Joale, mabapi le ho le pholosa, O entse hoo mohla A ne a shoa Kalvari. Ho le folisa, O entse hoo mohla A neng a shoa Kalvari. Le lumela hoo. Lentsoe le boletse A entse hoo.

¹²¹ Joale ntho e le 'ngoe A neng a ka e etsa, holane A eme mona ka—ka sutu ena, eo A mphileng eona, e ka ba ho le pakela feela hoba E ne e le Messia.

¹²² Ha se ka mehoabali ea lithakhisa letsohong la Hae. Moikaketsi ofe feela a ka etsa hoo, a betla mabali a lithakhisa, le mali sefahlehong sa hae, le matšao le lintho. Hoo ho ka etsoa. E kile ea etsoa. Batho ba bangata ba thakhisitsoe joaloka Eena. Ha se eona.

¹²³ Empa Bophelo ba Hae, bo neng bo le ka ho Eena! "Mora o sitoa ho etsa letho, a Inotši, haese seo A bonang Ntate a se etsa." Ke Bophelo bo leng ka ho Eena, bo pakileng. Ha se hobane E ne e le Mojuda haele moo mosajana selibeng a Mo lumela ho ba ke Messia; hoba O khonne ho lemoha mehopolo e pelong

ea hae, hoo ho Mo entse Messia. Haeba e le kamoo Messia a Itsebisitseng matsatsing a fetileng, oo e ne e le mokhoa oa Hae o hlahisitsoeng ho Itsebisa. Eo ke tsela ea Hae e hlophisitsoeng, ho latela Lengolo, bakeng sa mongoaha ona. Na le lumela seo?

¹²⁴ Joale, e mong le e mong oa lona mona, ke molata. Ke qamakile, ha ke bone motho eo ke mo tsebang. E mong le e mong ka mona, ea sa ntsebeng, 'me a tseba hore ha ke tsebe letho ka lona, phahamisang matsoho a lona. Ho opane feela, hohle. Motho enoa ea robetseng mona liphateng tsena, o ile a phahamisa letsoho la hae. O ne a sa ntsebe. Ha ho motho ea ntsebang.

¹²⁵ Empa hopolang, Molimo o a le tseba. Molimo o a le tseba. Joale, ha A ka paka hore O teng mona.

“Ke eng, Moena Branham?” Ke neo.

¹²⁶ Neo ke eng? Neo ke eng, le hona? Ha se ho kokosa ntho le ho sebelisa ntho ea mofuta, ho re, “Ke kokositse neo ea pholiso! Ke a tsoa 'me ke folisa *enoa*, ho folisa *eane*.” Holane nka khona, nka e phethisa ruri. Joale, empa, neo, 'me u a—u a . . . Le toloka neo ka phoso. *Neo* e mpa e le feela “ho sutha tseleng le ho lumella Moea o Halalelang ho u sebelisa.” Le a bona? Ke neo eo.

¹²⁷ Ke seo moreri a leng sona. Ha a rere seo a batlang ho se rera. O sutha tseleng feela, ke neo, 'me pululelo e a fihla, 'me o—o bua ka pululelo ea Moea o Halalelang. Neo efe esele e a itšoanelia. Joale, lineo tsa bosebeletsi, joalo-joalo, esale li le joalo. Pele re fumana, ea pele, lineong tse abiloeng ke Molimo, ke, “pele ke baapostola, le baporofeta, le baruti, le balisa, le baevangeli.” Tseo ke liofisi. Ke lineo tsa rona.

¹²⁸ Joale, Jesu Kreste o tšepisitse A tla etsa sena matsatsing a qetelo. Haeba A e etsa, haeba A tšepisa hoo 'me a tla e etsa, ba bakae ba tla lumela le ho Mo amohela, bosiusing bona? Phahamisa letsoho la hau, le ho re, “Ke tla Mo amohela.” Ba ba kae ka mona ke hona . . . Ke a u leboha. Ba ba kae ka mona ba esong ho etele e 'ngoe ea likopano pele, phahamisang matsoho a lona. Khele, e batla e le halofo ea bongata. Ba ba kae ba lumelang, le pele A e etsa, le a lumela leha ho le joalo? Molimo a le hlohonolofatse.

¹²⁹ Joale shebang. Haeba ke le boleletse 'Nete, Molimo o tlamehile ho nkaraba. O tla etsa joalo. O kenya Mantsoe a Oona molomong oa hau 'me A fetoha nama. Ke hantle, Ke Mantsoe a Oona, E lokela ho e etsa. “Ke rometse Lentsoe la Ka, ha Le ka ke la khutla le le feela.”

¹³⁰ Joale, hola nka folisa, nka e etsa. Joaloka motlotlehi, mofu, Moena Upshaw eo re buileng ka eená. Monnamoholo eo ea lutseng morao mane setulong sa bakuli, monnamoholo oa senatla, nka be ke mo folisitse hola ka khona. Ka qalella ka tloha kalaneng, ho bua 'nete, 'me ka reteleha eaba ke 'mona ka pono, a tloha, a tsamaea. Ho 'mitsa, ho 'molella seo e neng e le sona, eaba ke phetho. A ema 'me a tsamaea, ho tla kalaneng, ho ama

menoana ea hae ea maoto, hoba a holofale lilemo tse mashome a tšeletseng a metso e tšeletseng. Le a bona?

¹³¹ Ka bona bosiu boo, mofumahali oa bammala, ea nkileng lesea, tlase mono lephakong. Ka re, “Ke bona e—e ngaka e roetseng ligalase, ‘me—’me o sehile ngoanana e monyane, oa ’mala, ‘me ea mo holofatsa ho tloha ‘metsong.”

¹³² Mosalimoholo oa ’mala, u ne u batla u sa khone ho mo tlosa kalaneng. A re, “Morena, mohau, ke lesea la ka leo!” ’Me ke enoa a etla, sehlopha sa liashara li sa khone ho mo tšoara.

¹³³ Ka re, “Rakhali, ho nyolohela mona ho ke ke ha thusa letho. Ha se eona . . . Ke Molimo.” Ka re, “Ho tla mona ho ke ke ha thusa letho. Lumela feela.” ’Me a khumama ka mangole a hae ’me a qala a rapela. Ka sheba nq’ a letšoelé ’me ka bona mohohoma, ntho e kang ona, o haola. Ka bona ngoanana oabammala a tšoere popi liphakeng tsa hae, a theoha ka tselana. ’Me ka sheba ngoanana, oa bammala, ka hetla morao, ’me e ne e le eena eo. Ke itse, “E arabiloe.” Eaba o a phahama, ’me a tsoa moalong. Le a bona?

¹³⁴ Ke Molimo. Le a bona? Ke Molimo. Le a bona? O ke ke oa . . . Ha ho motho ea ka folisang. Ke tumelo ea hau ho Molimo.

¹³⁵ Joale, Bibele e boletse, ho re, “Ke Moprista e Moholo, hona joale, ea ke keng a sitoa ho angoa ke maikutlo a mefokolo ea rōna.” Na le lumela seo? Moprista e Moholo! Joale, efela haeba E le Moprista e Moholo, ebe O ne a tla sebetsa joang? Efela haeba E le oa maobane, kajeno, le kamehla, O tla sebetsa joaloka maobane, kajeno, le kamehla.

¹³⁶ Joale le rapele, ’me le lumelle Moea o Halalelang ke hona . . . Le re ho Molimo, “Molimo, monna enoa ea emeng moo ha a ntsebe, empa seo A se buang se a utloahala. E sa le Uena. U Kreste. Ke a kula. Ke a hloka. ’Me ha U ntumella le hona . . . Haeba ke haelloa ke tumelo ho e etsa, lumella motho eo ke mo tsebang a be le tumelo, ’me e tle re . . . U bitse ’me e re—e re—e re ’na kapa motho eo a ame moleka oa Kobo ea Hau Khanyeng. Etlare ha monna eo a khelohile tsela, U sebelise molomo oa hae ho arabela, le ho e sebetsa kamoo U e entseng mehleng ea Hau mona lefatšeng. Ke tla tseba hoba esale Uena maobane, kajeno, le kamehla.”

Ha re inamiseng lihlooho tsa rōna joale.

¹³⁷ Morena Jesu, ho tloha boevangeling ho ea bosebeletsing ba boporofeta, empa leha ho le joalo ke a U lumela, Morena, U e tsepisitse. ’Me ke U rapela ho e aba, bosius bona. Aba sena. Nkutloe. Etlereha letšoelé lena le tloha mona, bosius bona, ’me re khutlela lapeng, re bue joaloka ba tsoang Emmause, “Ana lipelo tsa rona li ne li sa chese ka ho rona ha A ntse a buisana le rona tseleng?” Jesu o ne a tsohile bafung; ba ne ba sa e tsebe. Ba ne ba buisana le Eena; ba sa tsebe. Empa hoba A ba kenyetlung, le ho koala monyako, eaba O sebetsa ntho kamoo A kileng

a e etsa pele ho pabolo ea Hae. Hoo ho ba tutubolotse mahlo. Ba bone hoba e ne e le Eena. Hape, Morena, lipelo tsa rona li chese ha re khutlela lapeng bosiung bona, joaloka tsa bona. Etsoe rea tseba U buile le rōna tseleng. Etsa lintho, bosiung bona, tseo U li entseng mehleng ea Hau lefatšeng, hobane esale Uena maobane, kajeno, le kamehla. Re kopa ka Lebitso la Jesu. Amen.

¹³⁸ Joale le lule thapelong 'me le lumele feela. Ha re halaletseng lephako *lena*, pele. Ho sa tsotelehe na u ho kae, ka mohahong, lumela Molimo. Ke kopa e mong le e mong ho apara tlhompho ea 'nete le ho khutsa, ho rapela.

¹³⁹ Ena ke taba e sitang ka botlalo. Ke buile hoseng hona, sefisong sa baruti, "mohlolahali." Hoo *mohlolahali* ha u khlooehe, "ke semaka, feela ke 'nete." Le a tseba Moea o Halalelang o ka ema mona oa bolela taba mokhuping oo, bathong bao ke sa ba tsebeng, e tla lokela e be mohlolahali. Ke ntho e ke keng ea hhalosoa. Ha ke tsebe haeba A tle e etsa. Ke tsepile feela hoba O tla etsa, ho tsepela hoba O tla etsa.

¹⁴⁰ Joale rapelang feela, le re, "Morena Jesu, ke batla ho ama seaparo sa Hau, 'me ke—ke a hloka. Kea U tsepisa, Morena, ke tla—ke tla U sebeletsa bophelo bohle ba ka." Molimo o batla hoba u bake. Ha u sa bake; baka, ho re, "Ke batla ho baka, Morena. Ke batla hore U mpholise. Ke batla hore U ntlhohonolofatse. Mpholise joale Morena. Ke mohlanka oa Hau."

¹⁴¹ Ke ne ke tla . . . Na u abile litlankana tsa thapelo kajeno? Ke ne ke til'o kopa Billy haeba . . . Haeba a sa e etse joalo, ke tla memela mola oa thapelo. Empa kajeno ha ba aba litlankana tsa thapelo. Le mpe le lule ka hlompho, le lumele.

¹⁴² Joale, ka Lebitso la Jesu Kreste, ke beha moea o mong le o mong mona tlas'a bolaoli ba, tlotlisong ea Molimo, hore Lentsoe la Oona le tsebahatsoe, re tle re hloke boitatolo ka Letsatsi la Kahlolo.

¹⁴³ Joale sheba nqa ena, 'me u lumele joale. Rapela ka pelo ea hau eohle, 'me u rapele feela, le ka boikokobetso. U se ke ua E loantša. Iphomolele feela, le ho re, "Morena, U entse tsepiso. Kea U kholoa." Ke seo ke tlamehang ho se etsa.

¹⁴⁴ Kea tseba ha ke hloke ho le botsa. Ba ba kae ba kileng ba bona Leseli leo? Ha re boneng. Na le bone setšoantšo sa Lona. Ha re boneng matsoho a lona, ba kileng ba bona setšoantšo sa Lona. Ana ha le Le bone hantle mono? Le a bona, ke selika se seng. Le holim'a mofumahali eo hantle.

¹⁴⁵ O jeoa ke maoto le mokokotlo. Eena . . . U a lumela Molimo o ka u folisa, khaitseli? U amme eng? Ha u ntsebe, empa u amme ho Hong. Ha Morena Jesu a ka mpolella hoba u mang, na hoo ho tla u thusa ho lumela hantle ho feta? U Mof. Phillips. Ha ho le joalo, ema ka maoto a hau. Ho lokile. Na ke osele ho uena ka botlalo? Phahamisa letsoho la hau haeba ho le joalo. Ha ke eso 'mone bophelong ba ka. O amme eng? E-eang le qoqe le mosali,

hamorao. Mahlaba 'ohle a felile joale. U itoketse. U ka ea hae 'me oa fola.

¹⁴⁶ Mofumahali ke enoa, hantle morao ka mora hae mono. O khahloloa ke methapo ea kutlo. Oho Molimo, haeba a sa... Lebitso la hae ke Mof. Star. Lumela, Jesu Kreste o tla u folisa. Ema ka maoto a hau 'me u amohele pholiso ea hau. Haeba ke le molata ho uena, tsokotsa matsoho a hau. Ho khahloloa ha hau ke methapo ho felile. Jesu Kreste o a u folisa.

¹⁴⁷ O tsepisitse eng? O e tsepisitse. Le a lumela?

¹⁴⁸ Ho na le mofumahali hantle ka mora hae, ea lutseng mono. O ntse a rapela. O tshohile, o na le mathata. O batla ho tlohela ho tsuba. Lebitso la hae ke Mof. Bordon. Tsoha, Mof. Bordon. Ho felile ka lisikarete tsa hau. Jesu Kreste o a u folisa. Ha ke eso bone basali bophelong ba ka.

¹⁴⁹ Na le a lumela? Joale le a tseba nka sitoa ho etsa joalo. Eo ke Jesu Kreste. Ke eng? "Lentsoe le bohale, le matla ho feta sabole e leolitsoeng ka nqa tse peli, le ahlola mehopolo le merero ea pelo." Ke Lentsoe, Jesu Kreste eena maobane, kajeno, le kamehla. Na u ke ke ua lumela seo?

¹⁵⁰ Mona, mona ho lutse monna ea lutseng mona, ea nang le hernia, bothata ba pelo. Ke hantle. Ha ke tsebe monna eo. Ha ke eso 'mone. Empa ke moreri. Moruti, Mongh. Kinsey. Ke hantle. U a lumela, monghali? Ema ka maoto a hau 'me u amohele pholiso ea hau. Jesu Kreste o a u folisa.

¹⁵¹ Ebile, na u ka nketsetsa ka mohau, haele moo u le moreri? Beha mohatsao matsoho, o jeoa ke phio, bothata ba sebete, ho nona haholo, le mathata. Mo behe matsoho. E tla mo tlohela, ha u lumela.

¹⁵² Helang, monna o lutse hantle ka mora hau, o siriloe ke lefu. O jeoa ke mofetše. Monna o tšoeroe ke hlahala, mofetše, dinerefe. Lebitso la hae ke Mongh. Young. Lumela joale. Jesu Kreste o a u folisa. U a e lumela na? Na u a e amohela? Ho lokile, monghali.

¹⁵³ Monna ke enoa o robetse mona holima moalo ona. Monghali, ha ke u tsebe. Ha nka u folisa, nka e etsa. Ke osele ho uena. O tsamaile tsela ena eohle. U entse matsapa ho tla mona. U ke ke ua u pata se phoso; empa ha ke khone ho u folisa. U tlide mona le mohatsao. Ke eena ea lutseng mono a apere jase e 'mala oa perekisi. Ke hantle. Ho lokile. Monna eo o siriloe ke lefu; a ke ke a phela haese nakoana joale. O jeoa ke mofetše.

¹⁵⁴ U a sotleha, le uena, khaitseli. U a lumela Molimo o ka mpolella se u jang? Ke bothata ba mokokotlo. Ke hantle. Haeba ho le joalo, ema. Ho lokile, u amohela pholiso ea hau. E lumele. Beha monna oa hau letsoho.

¹⁵⁵ Na u a lumela ke moperofeta oa Hae, monghali? Ha u robala mono, ruri u tla shoa. U ke ke ua phela. Ke phetho. Lingaka li u tetse. Mofetše o u qetile. Ke bone ho folisoa mathata a fetang ao

ka boholo. Nke ke ka u folisa. Empa ha u mpa u ka e amohela 'me ua e lumela! U a e lumela na? Ke ona feela monyetla oa hau. Mehla ea hau ea ho qetela e a phirima. Na u a e lumela? Haeba u etsa joalo, ema liphateng tseo. Tsoha mono, ka Lebitso la Jesu Kreste! Ema ka maoto a hau 'me u phelisoe, 'me u tsoe mona u tsamaea, u ntse u tlotsila Molimo. E mong a mo tšoare ka letsoho mono, mo thused. Ke eo, oeme ka maoto a hae.

¹⁵⁶ Ba lumelang ba ba kae ka mona? Phahamisang matsoho a lona. Emang ka maoto a lona. Lona ba bohole le batlang ho folisoa, emang, ka Lebitso la Jesu Kreste. Phahamisang matsoho a lona, ho rorisa Molimo. Le lebise thoriso le khanya ho Eena. Joale leboha Morena ka pholiso ea hau, Jesu Kreste eena maobane, kajeno, le kamehla!

¹⁵⁷ Moena, lingaka li hlolehile. Ena ke tsela e hlahisitsoeng ke Molimo. E lumele!

¹⁵⁸ Ba bakae ba batlang ho amohela tsela e hlahisitsoeng ke Molimo? Phahamisang matsoho a lona le rorise Molimo, e mong le e mong oa lona, le ho lumela hore u folile, ka Lebitso la Jesu Kreste. Amen.



TSELÀ EA MOLIMO E HLAHISELITSOENG LETSATSI LENA SST64-0206E
(God's Provided Way For This Day)

Molaetsa wona, ka Moena William Marrion Branham, o rerilwe sethatong ka Senyesemane Labone mantsiboya, Hlakola 6, 1964, mane Kern County Fairgrounds, e Bakersfield, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org